


Taflen weithgaredd 2

Astudiaethau achos gwneud penderfyniadau



Isla

Mae Isla, sy'n 15 oed, wedi derbyn £50 ar ei phen-blwydd. Yn ddiweddar, torrodd ei thabled ac mae wir eisiau cael un newydd. Mae wedi gweld un mae'n ei hoffi mewn hysbyseb ar-lein, ond dydi hi ddim yn gwybod llawer amdani heblaw am y pris. Mae gan ei ffrind dabled ac mae'n ei chymeradwyo, ond mae'n llawer drutach, felly byddai'r rhaid i Isla gynilo am nifer o fisoedd cyn y gallai ei phrynu. Byddai'n defnyddio'r dabled ar gyfer chwarae gemau, gwrando ar gerddoriaeth, ffrydio ffilmiau, cysylltu â ffrindiau, ac o bryd i'w gilydd cyflwyno gwaith cartref yn electronig.



Jaxon

Bydd Jaxon, sy'n 13 oed, yn dewis ei bynciau TGAU eleni. Celf yw ei hoff bwnc a dywedwyd wrtho ei fod yn dalentog. Mae hefyd yn frwd dros bopeth sy'n ymwneud â thechnoleg. Ond dydy e ddim wedi penderfynu ar yrfa eto. Mae'n hoffi'r syniad o fod yn ddylunydd graffig, ond dydy e ddim yn gwybod llawer amdano, na pha bynciau ddylai eu dewis. Mae ei chwaer hyn yn gwneud prentisiaeth mewn peirianeg drydanol, ac mae wrth ei bodd gyda hyn. Mae rhieni Jaxon yn gwybod ei fod yn reit dda mewn mathemateg a bydden nhw'n hoffi iddo fynd i'r brifysgol i astudio cyfrifeg, fel y gwnaeth ei fam.



Ibrahim

Mae Ibrahim, sy'n 18 oed, yn hoff iawn o yrru ac mae'n ysu am gael ei gar ei hun. Mae ganddo swydd llawn amser, mae wedi cynilo £2,000, ac ar hyn o bryd mae'n ychwanegu tua £50 y mis at ei gynilion. Mae wedi bod yn ei fanc lleol yn gofyn am fenthyciad personol o £4,000 i brynu'r car mae ei eisiau. Mae'r banc wedi cymeradwyo'r benthyciad, ond os bydd yn benthycu'r arian, bydd rhaid iddo dalu £300 yn ychwanegol yn ôl mewn llog dros y ddwy flynedd nesaf. Gall fforddio hyn os bydd yn cadw'i swydd. Ar hyn o bryd mae'n mynd i'r gwaith ar y bws ac mae'n hwyr yn aml; pe byddai'n gyrru, byddai'n cyrraedd yn gyflymach a byddai hyn yn cadw'i feistr yn hapus.